

s. 595(47)

0-1b

AM/7/27

K32/27

S. Naoa

1/3

Infanticide.

1

1b

Polao ya masea.

Bagolo-golo fa go paka dikekole tsa Mfatlha bana ba dikgora ba ne ba sa bolawe, go eletsa fa monna a nyetse mosadi a le lapeng mme yena a ya tiro. Taamaneng ya re fa a boya a ne a ntse mengwaga a fitlhela mosadi a kgotse ga a bolele sepe. E tla re fale mosadi a sa na go belega a mmotsisa gore ke ngwana wa ga mang. Fa a sa na go utlwa a ntsha kgomo a naya monna wa tiro ye, ka gore o ya mo leboga gore ngwana o na a tla mmona kae fa a sa le tirong. Go thwe kgale taba ya mofuta wo e ne e sa sekwe e ne e le fela taba ya lapeng, mosadi o na a sa bolaye lesea le fa monna a ne a ka fitlhela le tsetswe o na a itumela fela.

Go thwe dikgora di ne di sa itswe mo setshabeng sa Mfatlha mo methephaneng, se se neng se ka utlwa ke gore mmanyau o sentse; le gona e le taba tse di tlhagang ka basadi fela.

2

Kajeno ga go a nna jalo fa mothephana o kgotse mpa ya monna yo batswadi ba sa mo rateng ba rata a tsewa ke yo mongwe e tla re fa lesea le belegwa ba le soka kgubyana la lwala la fetela ka ntlung. Ba bangwe batswadi ga ba ire jalo e re fale mosetsana a sa ithwele ba batle ditlhare tsa go thuba m a ye, mme e re batho ba bangwe ba gakgamala ba bone mothepha a ntse a taamaya a se na molato. Fa basadi ba ba neng ba lemogile gore o na a ithwele ba mmotsa gore janong o reng a ota a ba fotole ka gore o ntse a lwala a tsamaya, basadi ba itse gore o thubile mpa gore e tle go nne go thwe ke kgarebe. Taba ya go thuba mpa e irwa ke mma kgarebe a le nosi ka sephiri go itse fela monna wa gagwe. Go thwe e tla re a fale bosiu go robetswe go rale tuu nna kgarebe a se thuga setlhare a se naya ngwana, mme e tla lala se mo kgoritlha letsala mme ya re bo osa sa bo se feditse tiro ya sona, jaana kgarebe e tla nna molwetse ka nakonyana.

Mosadi wa lmaledi o kile a ya go mosadi wa Moima yo a neng a nyetswe ke ngaka ya Matlala e falaletseng ga Mfatlha

mme e rile a fitlha a bua pele le mosadi wa ngaka gore a mo phophothele monna gore a mo fe setlhare sa go thuba mpa ka gore kgarebe ya gagwe e ne e le moimana. Mosadi wa Moima a fepeletsa monna wa gagwe monna a ba a dumela fela a kopa lesome. Mosadi wa Mmaledi a le ntsha a duela. Ke fa a tla gmana setlahare a fitlha a thuba mpa ya ngwana, fela fa a sala a thuba mpa ya kgarebe kgarebe ga e sa belega e fetogile pholo. Go thwe fa mosetsana a thubilwe mpa e namile o senyegile tsala ya gagwe le fa a ka batlelwa banna ba tla paliwa ke go mo lokisa .

3

Digole tsona go thwe di ne di bolawa di sa le ka mo tlung, fa se ne se ka bonwa ke basadi ba botlhe se ne se sa bolawe. Go thwe e ne e re fela ga se tsalwa se bolawe pele se itsiwe gore e ne e ka mna ditlhong fa motho a tshotse segole.

Mosadi wa mmina pitsi ga Mfatlha o kile a bona segole se senang makoto se tsamaya ka dikuntswana fela. E rile a se bona a se sisimoga, a bile a ithwele, e rile fa a belega a belega ngwana ya tshwanang le segole eia. Ngwana yo wa segole bo-kukuagwe ba mmolaya e le ka tumellano le mmagwe ngwana gore a ka tla a tlabisa ditlhong fa a tswetse ka ntle. Ga feta ngwaga ka e ngwe mosadi wa Pitsi a ima gape e rile a belega a tshola gape ngwana wa makoto a dikuntswana; le yena ba mo bolaela ka tlung ga fela. Mosadi ka nako tsa gagwe gape a ima e rile a belega a belega gape ngwana wa makoto a a dikuntswana ke fa janong ba inela, mme yo wa boraro ba se ka ba mmolaya, le kajeno o sa phela e bile o nyetse mosadi o agile Neile, lebitso la gagwe ke Pontsho sethudi sa ditlhako.

Mosadi fa a ithwele go thwe a se ka a bona dilo tse gakgamatsang e ka re a belega ngwana wa gagwe a tshwana le tsona. Mosadi wa Matsila Seonyana e rile a ne a ithwele monna wa gagwe Samoele a tswela a bolaele noga ya mokopa a bile a e gogobisa gatshe. E rile a fitlha a bitsa mosadi a re, "Ntle o bone noga e ke e bolaileng". Mosadi e rile a e bona a tshoga. Janong fa mosadi a belega ba fitlhela matlho a lesea a tshwana le a mokopa o ka re

diipone. Ngwana yo ga a ka a ba a tswa ka tlung a swela ga Rantshu.

4 Mosadi wa Modimola Dimakatsa a na le mmona wa gagwe Seleke ba bona segole, monna wa teng a se tshega fa a bona makoto a sona a tlhamaletse. Janong e rile fa mosadi wa gagwe a belega a tsala Haaitsiwe segole sa makoto a tlhamaletseng ja ka ka segole se ba neng ba kile ba se bona. Fela ga ba ka ba se bolaya, ba gopola gore motlha mongwe fa se gola se tla sedilega, mme ga gwa nna jalo e bile sa swela ga Ramphorotlheng e ntse e le segole.

Go thwe bana kapa masea a neng a thula meno a ko godimo pele, a ne a bolaelwa ka tlung gore a thibela pula. Mme basadi-bagolo ba Mfatlha ba paka gore lesea la mofuta wo le ne le bolawa ke motho ya thata pelong, e le motho fela e seng wa lesika la teng. Basadi ba paka gore ne go batlwa mosadi wa pelo e thata e nne yena ya ka bolayang lesea la go ira jalo. Go thwe e ne e tla nna bofoko fa ngwana wa go thula ka godimo a ka leswa fela.

Mafatlha wona e ne e re a sa na go belegwa basadi ba ba belegisi ba soke le lengwe. Go thwe pele ba ne ba lebella gore motswatse o na le ngwana wa eng ya phelang. Fa ba bone gore o na le wa mosetsanyana ya phelang e tla re fa mafatlheng ba soka wa mosetsana ba mo tlogella wa mosimanyana a phela. Kajeno ga Mfatlha ga ba sa soka yo mongwe wa mafatlha fa a tsetswe. Keetseng mosadi wa Tau Nawa wa mmina phuti o ile a belega mafatlha ko Lebotlwane ga Mfatlha le janong mafatlha a sa phela. O na a belege la mosetsanyana le la mosimanyana Letlhōōnōnō mošimanyana le Morina mosetsanyana. Fa go tswetse mafatlha ka tlung ya 5 mosate go bolawa lefatlha la pele, la morago go thwe ke yona kgosi le ya leswa. La pele go thwe ke motlhanka o na a etile kgosi pele ka ntlha yeo le ya bolawa ka molao wa segolo-golo ga Mfatlha. La morago go thwe ke kgosi e ne e eteditse motlhanka pele e re ga reye koo. Bogolo-golo e ne e le seila fa ga Mfatlha ka masea a mafatlha, fela kajeno Mafatlha ga a sa bolawa.

END. 2. 595.